

# INUIT ATAQATIGIIT

## INATSISARTUNI



UKA16/37

21. oktober 2016

Agathe Fontain

**Sulisartut sunniteqaqataaffiginngisaannik suliffeqarfiit aaqqiissutaagallartumik sivikitsumillu sulinermik unitsitsigallarnerini sulisartut suliffeqarfimminniit angerlartitaagallartarnerat pillugu aalajangersakkat Nunatsinni suliffeqarfinnut tamanut tunngatitaalernissaat qulakkeerniarlugu suliffeerunnermi ikiorsiissutit pillugit inatsisartut inatsisaata nr. 2, 15. maj 2014-imeersumi § 4-ap allannguutissaanik Naalakkersuisut kingusinnerpaamik UPA2017-imi Inatsisartunut saqqummiusseqqullugit Inatsisartut aalajangiiffigisassaattut siunnersuut. Ilanngullugu siunnersuutigineqarpoq inatsisini allani attuumasuni oqaasertatigut naqqiisoqassasoq, qulakkeerniarlugu Suliffeqarfiit aaqqiissutaagallartumik sivikitsumillu sulinermik unitsitsigallarnerini sulisartut suliffeqarfimminniit angerlartitaagallartarnerat suliffeqarfinnut tamanut atuuttussanngortillugu.**

(Inatsisartunut ilaasortaq Suka K. Frederiksen, Siumut)

Inatsisartunut ilaasortaq Suka K. Frederiksen siunnersuuteqarpoq, Inatsiartut inatsisaat nr. 2, 15.maj 2014-meersup ima qulequtalik , Suliffeerunnermi ikiorsiissutit pillugit inatsisartut inatsisaanni, § 4 aammalu § 6 allanngortinnissaanik.

Inuit Ataqatigiit nammineq pisuussutiginnisaminnik suliffeerutut pitsaasumik atugassaqtinnissaat anguniagaaraarput. Taannarppiarlu inatsit aqputigalugu upa 2016-mi siunnersuuteqarpugut, suliffeerunnermi ulluni marlussuni taartaaginnarsimagaanni ilanngaanneqartannginnissamik piunasaqartumik.

Unalu siunnersuut Inuit Ataqatigiiniit soqutiginarparput.

Siunnersuuteqartup Suka K. Frederiksen-p , Inatsimmi allanngortinniagai, aaliangersimasunut sammiveqarput. Tassalu tunisassiornermi unitsitsineq , ilaneqssasoq eqqiaarnermik service medarbejderinullu sammisunut ilassuteqarluni.

Aperigutta soq tunisassiornermik, eqqiaanermik kiffartuussinermillu suliallit kisimik? Soormi assersuutigalugu sanasut suliaasaarukkallartut, qalipaasut suliaasaarukkallartut.?

Imaanngila § 2, 3,-milu allaqqanngillat pisaguut.?

Tamakku qulakkeerniarlugu siunnersuut suliffeqarnermut ataatsimiititaliamut ingerlatipparput , apeqqutit assigiinngitsut akinearsinnaaqqullugit.

Naalakkersuisut akissuteqaataat soqutiginarpoq , inatsisit assigiinngitsut imminnut attuumassuteqartit nutararternerat aallartissimammassuk. Siunnersuullu tassuunaqqullugu sulerineqarsinnaanera ataatsimiititaliami nalilersugassanut ilaatikkusullughu oqaatigissavarput.